

## SHKALLËT E BESIMTARËVE NË RRUGËTIMIN DREJT ALLAHUT (MEDAARIXH ES-SAALIIN)

---

### Zgjimi / el-Jekadha / اليقظة

Dr. Hatim el-Haxh

Materiali është përmbledhje e kuptimeve të audio-ligjëratës nga nxënësit e hoxhës

<https://buff.ly/2hbVv4T>

Allahu ﷻ thotë:

“Thuaj: ‘Unë ju këshilloj për një gjë të vetme: të qëndroni për Zotin nga dy a vetmas.’” (es-Sebe, 46)

Qëndrimi për Allahun është zgjimi nga gjumi i shkujdesjes dhe ngritja nga gjendja e pështirë e rraskapitjes. Kjo ndodh nga ringjallja e zemrës së robit me ndriçimin e dritave alarmuese. Zgjimi ka tri pjesë:

- Të parët e mirësive ndërsa humb shpresën se do t'i njehsosh të gjitha prej tyre apo do të kuptosh përmasat e vërteta të tyre, pastaj ta preokuposh zemrën me të kuptuarit e mëshirës së Tij në dhurimin e mirësive dhe ta pranosh plotësisht dështimin tënd në shfaqjen e mirënjohjes përgjegjëse (për mirësitë).
- Të parët e shkeljes sate (mëkatimit) dhe të kuptuarit e rrezikut të kësaj, pastaj të ngarendësh për ta vënë nën kontroll (mëkatimin) dhe të çlirohesh nga zgjedha e saj duke kërkuar të shpëtosh nëpërmjet dëlirjes nga ajo (shkelja, mëkatimi).
- Vëmendja ndaj kalimit të ditëve dhe fitimeve e humbjeve që ti mbledh gjatë tyre, pastaj të kesh kujdes të mos i çosh kot dhe t'i ruash, në mënyrë që të kompensosh atë çfarë ke humbur prej tyre dhe ta bësh si është më së miri atë çfarë ka mbetur (nga ditët).

Të kuptuarit e mirësive arrihet nëpërmjet tri gjërave:

- Dritës së intelektit
- Të parët e rrezeve të mëshirës (tejpërtej reve të familjarizimit me rutinën e moskuptimit të mirësive)
- Marrjes së mësimi nga gjendja e rëndë e atyre që nuk kuptojnë mirësitë që i kanë.

Të parët e shkeljes (mëkatimit) arrihet nëpërmjet tri gjërave:

- Lartësimit të të Vërtetit (Zotit)
- Vetëdijes për vetveten (*nefsin* / egon)
- Besimit në paralajmërimet (për ndëshkim)

Njohja e humbjeve dhe e arritjeve të mbledhura me kalimin e ditëve mund të realizohet nëpërmjet tri gjërave:

- Duke mësuar dijen (e dobishme)
- Duke iu përgjigjur thirrësit që paralajmëron për shkeljen e shenjtërisë së të drejtave të Allahut
- Shoqërimit me të mirët

Dhe fija që i mban të lidhura të gjitha këto është dëlirja nga shprehitë apo familjarizimi (me rutinën e moskuptimit të mirësive).